



Inatsisartuni ilaasortaq, Tillie Martinussen, Demokraatit

INDGÅET

13 AUG. 2015

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Hashi pillugu eqqartuunneqarsimasut isumaginninnikkut pisartagaasa nakkutigineqarnerat pillugu § 37 naapertorlugu apeqqutip nr. 190-ip akineqarnera

31. juli 2015
Suliap nr. 2014-101284
All. Upp. Nr. 2022343

Hashi pillugu eqqartuunneqarsimasut isumaginninnikkut pisartagaasa isumaginninnikkut oqartussaasunit nakkutigineqarnerat pillugu apeqqutinnut qujanaq.

Postboks 260
3900 Nuuk
Oqarasuaat (+299) 34 50 00
Fax (+299) 34 66 66
E-mail: ian@nanoq.gl
www.naalakkersuisut.gl

1. Ilisimaneqarnerluni inuit pineqartut akornanni qassit aangajaarniutitik tuniaa-simanertik pillugu eqqartuunneqarsimasut, pisortat ikiorsiissutaannik pisartagaqarnerat?

Naamik. Pisortanit ikiorsiissutitik tunineqartartut qassit aangajaarniutitik tuniniaanertik pissutigalugu eqqartuunneqarsimanersut kisitsisaatigineqanngilaq.

2. Malittarisassat atuuttut naapertorlugit piumasarineqarsinnaanerluni pisortat ikiorsiissutaasa tunniunneqartartut tamaasa ilaannaaluunniit utertinneqartassasut, pisortat ikiorsiissutaannik pisartagaqartoq aangajaarniutitik nioqquteqarsimanini pillugu pineqaatissinneqarsimappat, tuniniaanerlu pisimappat inuup pineqartup pisortat ikiorsiissutaannik pisartagaqarnerata nalaani?

Naamik. Pisortanit ikiorsiissutit pillugit maleruagassat Pisortanit ikiorsiissutit pillugit Inatsisartut peqqussutaanni nr. 15, 20. november 2006-imeersumi, kingusinnerusukkullu allanngortinneqartumi takuneqarsinnaapput. Pisortanit ikiorsiissutit utertillugit akilernissaat peqqussummi kapitali 8-mi tunngaveqarpoq.. Akilersuisoqarnissaa pineqartillugu akilersuinissamut maleruagassat innuttaasup inatsisunik unioqqutitsinani isertitai tunngavialugit atuuttussaapput.

Peqqussummi § 27 malillugu pisortanit ikiorsiissutitik eqqunngitsumik tunniunneqartunut utertitsisoqarnissaanik Kommunalbestyrelsi aalajangiisinnaavoq, tamatumani tigusissap taamaaliortussaananani ilisimagaluarlugu pisinnaatitaaffigisamik unioqqutitsilluni ikiorsiissutitik tigusisimappat, tamannalu kommunalbestyrelsimut nalunaarutigisimanagu. Tamannalu isumaqarpoq pisortanit ikiorsiissutit uterteqquneqarsinnaasut, matumani innunik isumaginnittoqarfiup uppersarsinnaappagu pineqartoq isertitaqarsimasoq, taamaalineranilu pisortanit ikiorsiissutitik tunineqannginnissaa uppersarsarneqarsinnaappat.

Unioqutitsinikkut isertitat naatsorsuinnermut matumunnga ilaangillat.

3. Malittarisassat atuuttut naapertorlugit siunissami piffissami aalajangersimasumi inuk pisortat ikiorsiissutaannik pisartagaqartoq pisartagaanik arsaarneqarsinnaanerluni, aangajaarniutitik nioqquteqarsimanini pissutigalugu pineqaatissinneqarsimappat?

Naamik. Aangajaarniutitik tuniniaanermut eqqartuussummut pissutsit qangaanerusoq pisimasut pissutaasarput, pisortaniillu ikiorsiissutitik tunniussinnermi massakkut atugaasut apeqquataasarlutik.

4. Inunnik isumaginninnermut pisortaqarfiit malittarisassai atuuttut naapertorlugit inuit pisortat ikiorsiissutaannik pisartagallit nakkutiginerulersinnaanerlugit, pineqartut aangajaarniutitik nioqquteqarnertik pissutigalugu pineqaatissinneqarsimappata, taamaaliornikkut eqqartuunneqarnerup kingorna assersuutigalugu akut-tunngitsumik inuussutissanik atuisimanerat nalilersorneqarsinnaalersillugu, takuniarlugu pineqartoq pisortanut nalunaarutigineqarsimanngitsunik isertitaqarsimnersoq, taamaasillunilu pisortat ikiorsiissutaannik pisartagaqartariaqarsimanngikaluarluni?

Pisortanit ikiorsiissutit aatsaat tunniunneqarsinnaapput taakkuninnga pinissamut piusaqaatinik qinnuteqartoq naammassinnissimappat. Tamatumalu kingunerisussaavaa qinnuteqartup, taannalu aappaqarsimappat, qinnuteqarnerup nalaani qanoq isertitaqartiginera isumaginninnermut oqartussaasunit naliliiffiginissaa. Pisortanit ikiorsiissutitik tigusisartoq inuunikkut atugarisamigut allangortoqarsimatillugu kommunalbestyrelsimut nalunaaruteqassalluni pisussaaffeqarpoq, matumani pisortanit ikiorsiissutit ikilisinnissaat, unitsinneqarnissaat imaluunniit uterteqquneqarnissaat pineqarsimappat. Eqqartuussissutit pissutsinut kingumut sammisunut attuumassuteqarmata, innuttaasup siumut sammisunut pissutsinut tunngasuunatik. Pinerluttuliornerit paasiniaaffigisarnerat aallaaviatigut isumaginnittoqarfimminngaanniit isumagineqarnatik politiinit suliarineqartussaapput. Pinerluttuliornerit paasiniaaffigisarnerat aallaaviatigut isumaginnittoqarfimminngaanniit isumagineqarnatik politiinit suliarineqartussaapput.

5. Apeqqutit 2 aamma 4 angerneqarpata, kissaatigaara paasissallugu, periarfissat pioreersut ullumikkut qanoq atorineqartiginersut. Atorineqangippata kissaatigaara paasissallugu tamatumunnga suna pissutaasimasinnaanersoq.

Apeqqummut 6-imut innersuussisoqarpoq.

6. Apeqquiti 2 aamma 4 naaggaarneqarpata, kissaatigaara paasissallugu Naalakkersuisut isumaqarnersut inatsisitigut periutsitigullu malittarisassiortoqarsinnaasoq, qulaani iliuusissat taaneqartut pisinnaanngortillugit.

Siusinnerusukkut eqqartuussaasimasunut assigiinngisitsinerummat iliuusissanik taamaattunik aallartitsinissaq periarfissaqarnavianngilaq. Naalakkersuisut isumaqarput hashimik atornerluisuuneq, taassumalu nassatarisartagai, inuiaqatigiit inuunikkut atugarissaarnissaannut akornutaasut. Susassaqarfitsigut iliuusissanut eqqartuunneqarneqarsimasut inatsisitigut illersornissaannik millisaaffiunngitsunut eqqartueqatigiittoqarnissannut Naalakkersuisut piareersimapput.

Inussiarnersumik inuulluaqqusillunga
Med venlig hilsen

Martha Lund Olsen